



Broj: T01 0 KT 0045043 24

Dana: 26.06.2024. godine

KANTONALNOM SUDU U BIHAĆU  
-sudiji za prethodno saslušanje-

Na osnovu odredbe člana 45. stav 2. tačka i), a u vezi sa odredbama člana 241. stav 1. Zakona o krivičnom postupku F BiH, **p o d i ž e m:**

**O P T U Ž N I C U**

**PROTIV:**

**ESET ALEKSA**, rođen 1957. godine u Celju, R. Slovenija

**DA JE**

Dana 15. 4. 2024. godine oko 22.00 sata u B. K. ulica P., na terasi porodične kuće S. S. gdje je sjedio tokom dana sa S. S. konzumirajući alkoholna pića, nakon kraćeg verbalnog sukoba sa oštećenim, tokom kojeg mu je psovao oca i majku i nazivao ga „Šiptarom“ istog pozivao da se potuku, a u jednom momentu dok se tu nalazio i D. A., kome je oštećeni očuh, rekao S. S.: „*Sačekaj!*“ napustio prostor i ubrzo se vratio na terasu držeći u jednoj ruci pivsku flašu, a u drugoj nož sa PVC drškom smeđe boje ukupne dužine cca. 18cm, dužine sječiva cca. 8cm i odmah zamahnuo staklenom pivskom flašom udarivši u predjelu glave S. S., koju flašu mu je iz ruke izbio D. A. i pokušao ih razdvojiti, odgurnuo D. A. i svjestan da ubadanjem nožem može S. S. lišiti života a što je i htio, tri puta ubo S. S. nožem nanijevši mu pri tom tri ubodne rane grudnog koša, usljed čega je oštećeni zbog iskrvarenja u grudni koš i srčanu maramicu ubrzo umro, nakon čega je osumnjičeni Eset Aleksa otišao u pravcu svoje kuće, a potom se ponovno vratio u kuću oštećenog S. S.

**Dakle**, drugog usmratio.

**Čime je** počinio krivično djelo *Ubistvo* iz člana 166. stav 1. KZ FBiH.

Predlažem da Kantonalni sud u Bihaću na osnovu odredaba iz člana 71. tačka e) i člana 78. stav 2 u vezi sa st. 1. Krivičnog zakona F BiH izrekne sljedeću:

**SIGURNOSNU MJERU**  
**oduzimanja predmeta**

U smislu odredbe čl. 78. st. 2. tačka 1. KZ F BiH oduzimaju se kuhinjski nož sa drvenom drškom smeđe boje ukupne dužine 27,5 cm, dužina sječiva 15 cm, sa natpisom na sječivu „SUDD MESSERFABRIK“ i nož sa pvc drškom smeđe boje ukupne dužine 18 cm, dužine

sječiva 8 cm koji su oduzeti prilikom vršenja uviđaja od strane OSL a koji se po pravosnažnosti presude imaju **uništiti** u skladu sa posebnom odlukom suda.

Na osnovu člana 151. stav 1. i 2. Zakona o krivičnom postupku Federacije Bosne i Hercegovine Sudu stavljam:

### **PRIJEDLOG**

Da Kantonalni Sud u Bihaću nakon potvrđivanja ove optužnice prema optuženom Aleksa Esetu iz razloga propisanih odredbom člana 146. stav 1. tačka d) ZKP-a F BiH.

### **PRODUŽI MJERU PRITVORA**

Na način da dispozicija rješenja o produženju pritvora sadrži decidno određenje Suda da se pritvor prema optuženom produžava nakon potvrđivanja optužnice i da po tom rješenju pritvor može trajati najduže 2 (dvije) godine za krivična djela iz optužnice za koje se po zakonu može izreći kazna zatvora preko 10 (deset) godina, ali ne i kazna dugotrajnog zatvora, uz naznaku da će Sud kontrolu opravdanosti pritvora vršiti po isteku svaka dva mjeseca od dana donošenja posljednjeg rješenja o pritvoru.

### **RAZLOZI KOJI SE VEZUJU ZA PRIJEDLOG DA PREMA OSUMNJIČENOM BUDE PRODUŽENA MJERA PRITVORA SU SLJEDEĆI:**

**Kantonalno tužilaštvo Unsko-sanskog kantona smatra da su u konkretnom slučaju ispunjeni kako opći tako i posebni uvjeti za produženje pritvora prema osumnjičenom Aleksa Esetu, tj. da postoji osnovana sumnja, kao viši stepen sumnje da je osumnjičeni počinio krivično djelo koja mu se stavlja na teret ovom optužnicom i da su ispunjeni posebni uslovi propisani u članu 146. stav 1. tačka d) ZKP-a F BiH.**

**KANTONALNI TUŽILAC**